

U skladu sa instrukcijama tima za samoevaluaciju, podnosim sljedeći:

IZVJEŠTAJ

O radu biblioteke na Internacionalnom Burč Univerzitetu

1) Biblioteka Burch univerziteta ima ukupno 14 655 bibliotečkih jedinica, od toga 12 155 jedinica u printanoj formi, 2500 u elektronskoj i 2611 časopisa. Biblioteka je u prošloj akademskoj godini imala korisnike i to: 575 studenata i 29 profesora. Ukupno pročitanih knjiga za prošlu godinu je bilo: 3344 što iznosi 5.53 po korisniku. Zainteresovanost studenata i nastavnika za korištenje usluga biblioteka ove godine u odnosu na prošlu je mnogo veća: u prošloj akademskoj godini biblioteka je imala ukupno 246 članova.

Bibliotečki fond u skladu sa mogućnostima obogaćujemo sa novim izdanjima u koordinaciji sa profesorima i studentima, opremljujemo biblioteku sa potrebnom računarskom opremom tako da se evidencija i arhiva vode u elektronskom obliku shodno bibliotečkim standardima.

Biblioteka Burch univerziteta je pretplaćena na sljedeće časopise:

Student (studentski časopis): mjesečni pretplata

Revicon (računovodstveni časopis): godišnji pretplata

Službeni list (pravni časopis): godišnja pretplata

Oslobođenje: dnevne novine.

2) Radno vrijeme

Radno vrijeme biblioteke Burch univerziteta je svakim radnim danom od 8 do 16.30.sati. Pravo korištenja bibliotečkog materijala imaju nastavnici i saradnici, studenti i postdiplomci fakulteta te studenti doktorskih studija. Bibliotečku građu, po posebnom odobrenju generalnog sekretara, mogu koristiti i ostala zainteresovana fizička lica (vanjski korisnici).

3) Analiza bibliotečkog prostora:

Bibliotečki prostor se sastoji iz dva dijela (prostorija sa knjigama i čitaonica sa kompjuterskom opremom). Ukupna površina nevednog prostora je 80 metara kvadratnih. U čitaonici se, pored knjiga nalaze kompjuteri (5) koje koriste studenti i profesori za lične potrebe. Na računarima studenti i akademsko osoblje mogu da pristupe bazama podataka (EBSCO, ELSEIVER, SCIENCE DIRECT, IEEE XPLORE). Pristup ovim bazama naš univerzitet je obezbijedio preko Sultan Mehmed Fatih univerziteta s kojim smo potpisali sporazum o suradnji. Biblioteka Burch univerziteta također posjeduje ugovor o suradnji sa bibliotekom univerziteta Alba Iulia iz

Rumunije. Pored ovih dogovora o suradnji, naš univerzitet je potpisao isti ugovor sa bibliotekom Filozofskog, Ekonomskog te Poljoprivrednog fakulteta u Sarajevu. U ovoj školskoj godini nabavljala se nova oprema. Dio namještaja koji se koristi pokazao se u znatnoj mjeri prikladan za potrebe biblioteke i fond kojim raspolaže.

Naši planovi u skorijoj budućnosti su:

- bolja integracija biblioteke u nastavni proces univerziteta
- korištenje biblioteke u okviru obrazovnih područja
- stvaranje navika studenata za korištenje biblioteke
- edukacija studenata za korištenje baza podataka itd.

4) Kvalitet resursa i sistem dostupnosti:

U biblioteci našeg univerziteta se nalaze literatura i časopisi shodno odsjecima koji se nalaze na univerzitetu. Ovdje se ubraja literatura iz oblasti: ekonomije, engleskog jezika i književnosti, informatike, turskog jezika i književnosti, enciklopedije, rječnici. Osim navedene literature, u biblioteci se nalazi donirana literatura iz nekih drugih oblasti (religija), koju studenti koriste većinom u slobodno vrijeme. Literatura je na engleskom, turskom te našem jeziku kao i časopisi. Pristup policama je slobodan.

Usklađenosti resursa u skladu sa nastavnim planom i programom je zadovoljavajuća. Jedna od funkcija biblioteke je osiguranje dostupnosti studentske udžbeničke literature i one literature koja se može koristiti slobodno. Na navednu literaturu se odnosi literatura koja je studentima potrebna za pripremanje ispita (ispitna literatura), ali i ona literatura koja se nalazi u biblioteci za tekuću godinu u više primjeraka. Udžbeničku literaturu studenti mogu da kupe u knjižnici univerziteta. Naravno, prije svih ovih procedura potrebne su konsultacije sa nastavnicima kako bi se plan i program uskladio sa nabavnom literaturom.

Sprovdene su također ankete o zadovoljstvu studenta uslugama biblioteke. Primjedbe studenata kao i stručnog osoblja na rad biblioteke su uglavnom očekivane. Kao prvo, svi bi uglavnom željeli veći izbor stručne literature i duže vrijeme rada čitaonice i biblioteke, duži period zadržavanja bibliotečke građe, veći prostor čitaonice, on line kompjutersko povezivanje sa ostalim bibliotekama te mogućnost brzog i efikasnog pretraživanja najvećih svjetskih baza podataka. Studenti također zahtijevaju kvalitetnije informacije o fondovima, kako bi se njima mogli maksimalno koristiti.

Zaključujemo da nastavničke i studentske sugestije treba uvažavati, da sa ovakvim i sličnim anketama treba nastaviti radi što svrzišodnije organizacije rada i dostupnosti publikacija kako bi anketirani nastavnici i studenti na slijedeće ankete u većem postotku odgovorili pozitivnije.

Sarajevo, 05.10.2012. godine

Podnosilac izvještaja

1x a/a

1x Služba za standardizaciju i osiguranje kvaliteta